

泰順縣志卷之十

藝文志

昔人稱不朽者三曰立德立功立言言固居功德之末矣然可並立而不朽者以其言亦必本諸心得而有功于人也豈若風雲月露之詞取悅口耳間已哉泰順風氣醇古士之秀良者亦皆能文章嫻吟咏然所著作苟無關風紀足以垂世而行遠者槩置不錄若夫文以業傳詩以蹟著則備志於篇而惜乎積之百年求之數月而煒燿簡編者絕少豈尚欲藏名山以待其人乎志藝文

泰順縣志

卷十

文類

明

建置記

熊

相本學教諭

泰順瑞平二邑舊隸境也西南距閩福安壽寧東北抵青田景寧皆數百里山谷險阻撫馭不易有司羈縻之而已洪武辛酉青田葉丁香叛掠至境衆附之安遠侯帥師至羅陽戮亡者十九厥後生育漸盛仍遭陳得祚等劫掠王師敗績于福寧焦千戶等死之

兩浙藩閩率兵駐羅陽殲滅陳得祚時宣德辛亥歲也福州劉洋坑逆弒閩藩叅議竺淵却以劉洋作羅陽文武大臣總師至境覈實得謀者十一人餘無所究時正統甲子也至丁卯福建鄧茂七處州葉宗雷謀爲不軌叅政葉公僉事陶公招撫逃民停三峰寺召諭鄉民曰數百里山多峻峭惟羅陽平曠風氣攸萃可設縣治舉行而事未就已巳春括寇葉無敵等來迫衆從尚義者募刺客葉友名獲無敵等四人首級獻之于郡未幾餘黨猖獗都指揮王英等死之景

泰順縣志

卷十

文類

二

泰庚午總戎李信侍御陳璠布政使孫原貞按察使軒輓都指揮張永等總兵討之分兵駐三港臺湖中軍堅壁莒岡知府黃玘總民兵進屯仙居瑞安縣丞陳醇同潘尹序入羅陽諭羣盜因一鼓而併擒之餘孽奔官臺山八月間劫掠羅陽時官軍尚未撤營其屯敵州者受總戎命拒敵于交洋失利指揮顧銘千尸洪珍等死之至辛未四月同知李敏受檄招撫單騎至敵壘誘祝必真等三人至羅陽戮之僉議官臺山未易破姑置之孫公原貞以羅陽同中國非荒

比特以所習有異耳當如陶葉二公策疏瑞安十二里平陽六里土地人民建縣治境政以親之教以化之庶可以安之矣事聞賜邑曰泰順壬申八月主簿徐福昌始佩銅篆來關治署縣丞邵忠典史鄧顯繼之明年癸酉蜀涪郭顯宗來宰邑政興衰撥亂分出立教于是官廨吏宇羣制並興時官臺山寇叛擾尤甚僉事沈納等曰此腹心之疾也不可不除乃進兩省軍民且戮且擒渠魁授首而餘孽殄亡過半明年乙亥都御史劉廣衡以督戰至衆咸思奮剔滅無遺

燬其巢穴封閉坑冶百年逋寇而淨滌於一旦矣羣公當決策運籌之際而畱心教化聿來胥學于邑治之西隅都憲公當振旅之際而憂深慮遠命指揮洪瑄推官溫儀統軍民兵各四百人駐營分番以戍守之時乃丙子歲矣下迨城隍祠宇橋梁鋪舍百度俱舉嗚呼司馬公忠君愛民而議奏分建爲縣始于今日易使知方而咸與維新之化者豈偶然哉昔淮西之人劫于李希烈吳少誠之威虐風俗獷疾裴度視事惟禁盜殺蔡人始知有生民之樂治之教之稱吏

獻之邦矣羅陽之民劫于閩枯之逆寇今邑宰示之以政而申之以教東甌素稱小鄒魯之邦安知其不
同一歸乎是爲之記

新建城垣記

永嘉葉

式

補修

泰順爲甌之西部接壤閩枯重山迴谷實爲深昧虎
僻之地景泰初劇寇平因創縣治制官署邑里而已
越八十載丹徒丁公瓚來守溫旣宣德綏閑上孚下
豫興學築館役民以逸顧瞻茲邑詢所疾苦父老張
璉輩進曰山邑苦無捍蔽虎狼時入攫人昏曉無敢
啓扃夜不得火作竊金亡命之徒嬰巢走曠剽蹂出
沒曾無一壑之限用是戶口滋耗公嘆曰烏獸壘土
細民用簫建邦設險而可無城乎以謀諸僚儲別駕

泰順縣志

卷十

文類

五

日宗嘗白此于上官矣以邑小費鉅難之公嘆曰必
若斯言則勢不變俗而甌無閔麗也乃建議口泰順
介于三疆平易于伏匿多事最先被寇梟閩寇入
境斂手受掠公私之費奚啻鉅萬使捐萬金城之域
民豐財扼險威遠所獲已多矧費又不及是乎傳有
之曰財散民聚又曰均無貧茲將按籍料民分作受
方食力于官薄厚稱事俾工無弗鳩役無事平城何
難之有進議于兵憲黨公分守黃公成曰善交贊之
乃列上監察端公報可乃列上大申丞胡公報可以

白諸省部皆亟可之遂如議行焉度城凡九百丈邑
凡十有八里里凡十長俾長各率其十夫咸建五丈
官日廩之倍資募工取石于隍因山爲墉其高若厚
咸爲二丈隅架八樓方闢四門東曰通瑞南曰通福
西曰永安北曰拱恩水關三粉堞八百望之巖巖奕
奕而將將焉費白金僅五千餘兩城之妨民廬者償
之又三百兩城始于嘉靖庚寅春二月凡十有五旬
而畢不愆素規是役也高二守美受成統帥而平陽
丞熊炳是邑尉鄧鏐先後相勞于是士民踴躍觀嘆

泰順縣志

卷十

文類

六

謂微丁公茲終荆棘乎吾儕優游朝夕永保有家可
忘所自哉邑令汪瀚承公之功申公之志而樂在職
司也伐石請記按春秋諸侯城緣陵城楚丘凡以辟
寇難也豈不重民力哉以爲築鑿之勞愈于寇攘之
毒也今城泰順制阻于衝虞患于駁所謂一勞久逸
暫費永寧者歟雖然當城久矣而必待丁公抑豈無
由區財者須夫才立功者須夫公博謀均力協于上
下茲非其公乎發帑以集之綱紀以齊之茲非其才
乎奮才秉公樹此嘉績守者弗替居者弗諉記之不

亦宜乎城成之歲公進秩按察副使仍兵備溫處代
守者良鄉趙公云

泰順訓導華楨遣書詣南京官次請曰泰順爲邑國朝景泰三年因山寇殄絕巡撫大臣與諸藩臬重臣慮民僻處政教有所不及奏割瑞平二地以建縣地瘠民貧習多尚氣直而寡文郡守王公允推官溫公儀慨然興嘆詢諸知縣郭公顯宗主簿徐君福昌典史鄧顯鳩工掄材琢石陶甃建學于縣治之西作正殿三間殿有像高三十丈廣四十尺有奇深如高之數東西廡各七間廡有主大成櫺星門各三間明倫

泰順縣志

卷十

文類

八

堂五間廣加于高深殺於廣東西齋亦各七間以及庖廡廩庫皆繕完之巍然翼然規模壯觀丹碧輝煌照耀山溪之間始于景泰六年春成于七年夏誠斯文之幸也願求記之嗚呼學校之設其來尚矣粵自三代盛時皆爲化民善俗之地降自漢唐以來而治道之隆替亦因是而可以考見矣竊惟聖明稽古崇文自京師以至郡邑皆有學學必有政教條之施與夫廩餼之豐經籍之頒倦倦垂範養育人材亦欲化民善俗而已化民善俗政之本也巡撫大臣藩臬重

臣郡守佐縣令佐皆學校之士也贊襄籌畫從事斯
學誠所謂知本者夫泰順溫州稱爲文物之邦爲生
徒者能體朝廷之主意與諸大臣之盛心隆師親友
尊務乎學遷善改惡以進于德出而爲公卿爲大夫
爲守令而文章事業有所稱述其父兄耆老率其子
弟相勸成善禮義與孝弟之化洽于鄉庶有以見我
聖朝建立學校有其實諸大臣遠慮深謀之效也余
雖衰之矣與有光焉景泰丙子夏五月日記

重建儒學記

景寧潘

琴

知府

泰順境與閩接去溫最遠昔之建議割瑞平裔地爲邑以分溫郡之政學舊在縣之右未久而圯弘治己酉教諭王君鑿訓導張君瑞疏于督學憲副吳公伯通暨籓臬當道咸允遷之于時溫之推官周侯珙承檄督理偕署縣事典史劉君海卜地鳳凰山之陽位勢軒豁前峰秀立如畫風氣所鍾龜筮協吉越明年庚戌經始又明年辛亥仲春知縣范侯勉下車旣而廟庭兩廡告成于是勸富民董助衆心樂應乃鑿山以拓其基構講堂于文廟之後東西爲二齋墀土畜水爲泮池于戟門之前而以櫺星門之外爲杏壇又以舊學曠地東易三峰寺僧屋三楹地八畝以廣之飾其屋爲養賢堂以爲會饌之所神厨庫庖師生藏修止息之舍以正以奠大小畢備矣周垣之內其爲深者四十一丈廣者二十四丈而其黝堊輪奐皆倍其舊復塑聖賢像士民聚觀相顧動色以爲昔所未有侯之心亦至矣雖然余嘗審其舊學創始非不善室宇非不廣且備也顧未久而廢何也蓋常人之情

始則銳終則怠暫則公久則私怠且私則苟且繼之
矣惡乎其不廢也侯受鄉薦歷師職爲政知先務率
人以公不亟不徐區畫井井董作教護無間終始故
其繼悉必至務在堅密久遠直欲使建學典教之功
與吾夫子道德相與無窮而士之學于斯者顧瞻典
懷篤學砥行亦相爲無窮則侯之所以報國家者大
而士之所以德侯者深矣越明年壬子夏功成而落
之庠生劉鐵輩咸願紀成績以永邦人之思王氏陞
字造字二生請言以勒諸石嘉其善而樂道之

三遷儒學記

青陽劉光後

工部主事

萬曆己巳歲仲夏之上旬東甌泰順縣學童生良度
高生大任等因子兄尉泰走告不佞曰我敝邑在景
泰初為枯冠鼠通盤據之所恃其險阻兵為害官
軍其能誰何諸司咸欲棄置維時洪都德興孫原貞
八公撫浙獨奮然曰侯服要地奈何言棄赤子無知要
在平定安輯之耳乃躬率兵而采其阻壘德明威于
是協從者拜降恐後黠賊失其穴而逃一死亦斷首請
伏厥辜諸跳號望菁綠林間者悉覓牛犢而之南畝

泰順縣志

卷十

文類

十一

遂奏割瑞平二邑之里設立泰順建學弘化泰地賴
成樂土二百年來民得耕鑿嬉遊以嫻于禮教皆原
貞公道之也縣在山僻學址二遷俱未安歲庚子堪
輿家視勝縣治之南水滄山迺卜曰其吉洵從所也
前任吳門張公申請當道復報可功始興而輒去今
孫伯宗公繼之即原貞公六世孫也村是邑而喜曰
泰邑先公所創立泰民先靈所培植報國率祖其在
茲行乎下車激已愛民推赤禮士見黌宮百未就緒
幣中一無贏錢多自捐資以佐緩急學師張君奮庸

邑幕貴州劉君光達共圖厥成士民德公無不子來
趨事踰載而殿廡堂舍暨櫺星坊表泮沼墻垣靡不
煥然改觀倘泰士不終鄙夷少能建豎以興起于世
則我父母之仁也邑世受父母家生全教訓始終二
百年世澤綿永殆史冊不多見者敢丐一言以識不
朽余耳之而獲我心不禁其嚮慕焉竊惟提兵蕩寇
者不言芟蕪則事驅除乃原貞公獨運止戈之意初
服官者類屑屑簿書期會承望要人眉睫博盼矚之
爲急泊宗公又獨崇文之是先吾知原貞公之寧亂
泰順縣志卷十 文類 十三

龔渤海不能過也泊宗公之重學蜀文翁未多讓也
原貞公厥後總章樞府洪勳廣被于天下泊宗公始
出不凡若爾將來事業寧有涯際乎祖孫踵武澤以
世長固宜其不能忘也多士知感二公亦其所以
報二公者乎孟子曰三代之學皆以明人倫也又曰
堯舜之道孝弟而已矣昔也民不學則倫不明倫不
明則孝弟不興孝弟不興則從叛而不恤今翁然知
學矣多士果有志于學須從孝弟始反身密察擴克
良心優而游之厭而飫之令孩始之念惻然殷然隨

處周流且推廣之以成俗俾無忝于三代建學明倫
之義用稱我聖祖命名育士之意則處有真修出有
實用原貞公之易亂成治洎宗公之振耀而光大者
多士必以此報二公庶幾爲不孤哉予不敏願與多
士共識之

增城記

莆田蕭奇勳 戶部主事

國家統一寰宇率土共臣乃申郡邑之制嚴城守之防以爲衛民弭盜計而于要害尤甚焉泰順在甌西鄙北閩壤而藩于浙誠所謂要害之區也項歲家君教茲土余自浮邑轉畱漕取展省則見夫山勢百折邑據上游當東南之衝盜出入必由之又巒嶂層疊易于藏惡自山海寇發而此地被害尤劇非無城也城界且堙不可以緩急恃也歲己未嶺南區君來爲邑大夫甫一月倭寇自桐山流突邑中惶懼君諭以

泰順縣志 文類 卷十

信義戒以勿虞民翕然思奮遂擲山伐樹增木城設敵樓號召鄉之民人調度守務乃選精兵遣義士督率分地設伏邀截衝擊之寇既退君曰今日之事天幸耳易稱王公設險以守其國汝泰之城若此可保無虞耶僉謀所以加增之于是鄉之士夫張璉曾中董培弟子生員林一道江克明鮑橋陶治臣鮑梧耆老胡浩鮑絃義士胡琬潘銓彭琮集通邑糧里老江山王良銘曾一貫等周遭勘視君條列其事上之撫按藩郡咸報曰可乃計徒庸揣高低度廣狹發

秦以己俸鳩衆播和宵維夙戒緣舊增新地軸山舊盤踞于外謂其形勢所關拓而圍之水關故流反注于堪輿家爲未利因導注廻繞缺者補之墜者葺之高加舊址爲尺六七廣加舊址爲丈九十門樓雉堞城屋等櫓內外馬道咸將將翼翼屹屹亭亭非復昔日之雉矣經始于壬戌之春而告成于秋邑之士大夫暨小民咸欣欣然慶藩籬旣固而生生之奠永無虞也太學生胡子佩等樂觀厥成走書幣千餘里微言以記君績噫嘻予于君何言夫君寇之來也設

秦順縣志

卷十

文類

六

畧禦之寇之去也增城禦之其德與功固秦之人身濡而口誦者又何待予言雖然予侍家君時時獲見君商確世務鑿鑿可施于理藁予待罪浮梁亦常有築城之舉予固知君爲最深而又審是舉之不易也顧寧無一言以彰盛美爲胡子答耶予閱郡乘詳秦之邑建于景泰壬申然邑而未城也秦之城築于嘉靖庚寅然城而未崇也非崇非城非邑凡吏與兵士夫豈不慮此顧因循無敢倡議者誠憚于規畫而慮始之爲難也今君獨爲所難民不擾而事

且興役于累寇之後又難之難者君視以為易不壯
一時之勝而因以成永久不拔之功謂其才之練而
慮之遠者非歟君以倉卒應變綽有成筭誠無賴于
城矣君無賴于城城乃由君而增則凡後之憑城爲
守者孰非有賴于君也君行將珪璋明堂鍾呂太廟
非泰所能久淹然泰長有城在則泰長有君在也矧
咽喉是據險要有守寇自東來恐挫其鋒寇自南旋
恐躡其後而閩浙之區亦賴而得以貼然矣君之德
之功豈獨見于一方而止于泰之人濡且誦哉君諱

泰順縣志

卷十

文類

七

益字叔謙蒞邑三載百廢興與文學吏治聲稱籍籍
增城其一事云

新修儒學碑記

永嘉王

評都御
史

國家崇尚文教建學造士匪直通都大郡則然雖偏
方遐邑所不廢也泰順爲縣僅百載而邑庠屢葺屢
敝亦惟因陋就簡不能爲經久計是以備規制而底
完美者蓋罕覩焉隆慶己巳冬王侯尹茲邑展謁先
聖環視廟制未周堂構就圯大駭曰首善之地庠陋
若此令事庸有急焉者乎乃詢同卜吉計費命工先
繕廟祠木腐且撓者代以貞材壤于上者撤而覆之
剝于下者除而甃之漫漶于中者塗墍而丹堊之新

泰順縣志

卷十

文類

六

位帳飭豆遵其所以安靈者罔不備于是更正學門
肇立坊表駕泮橋闢周行新敬一之亭朔尊經之閣
建土地之祠凡具向方備且有序經始于庚午孟夏
至辛未孟春告成炳然煥然不棘不勞邦人士欣欣
稱快以爲斯文大幸司訓陳君汝學遣諸生江克明
輩謁予求記繼至教諭劉君直贊成其美予覽而作
曰王侯誠賢牧哉世之宦者類惟簿書期會是急謂
足以獵聲譽爲養望地其視學校廢興漠然不加之
意求其振疊起敝爲永久圖如王侯者誠不多屈指

也且余夙聞王侯賢非特吏比廼今不鄙其民而以禮讓爲國如此則其所補豈特一時已哉蓋堯舜周孔之道雖夫人秉彛然所以端向往之路厲造詣之功而要其成則未始不由于長吏者之倡之也昔者蜀固夷裔難化也文翁一倡其教而蜀多循雅之風教之力也夫秦之人士樸而不華毅而有守皆質之幾于道者非若蜀之難化而聖朝建學立師且百年其間堯舜周孔之道必有槩于中矣今長人者又示之向方周旋俎豆以抒其容優游絃歌以和其氣範泰順縣志

卷十

文類

九

園沾濡于菁莪樂育之澤以潤其黼黻之章視文翁之教蜀不少讓則秦之人士當不止如蜀人已也將見抱藝而出彈冠而興咸以其修于家者揚于廷追其所自寧能隱侯之賜哉王侯新學以育多士多士自新以報王侯此固人之所以自盡而還相賜之道也王侯名克家字先振閩進士也

重建名宦鄉賢二祠碑記

樂清侯一元

尚書

國家置郡縣興學校凡以爲民也夫旣治之教之矣又必祠名宦鄉賢何哉夫厲世磨俗莫善于風而道政齊刑之不如以禮也故若褒賢崇德義存祀典禮之爲生也微而風之所被者遠矣此豈非良牧之宜務乎惟夫繁祭濫祀瀆神棄禮是故登俎豆者每叢譏議湮里閭者反見嗟異故時之爲祠者予弗能知之迺今泰順吳侯貽予書曰夫鄉賢名宦祠所以彰往而風來也敝邑故嘗建之其後也學址屢遷而祠

泰順縣志

卷十

文類

三

迄弗復無乃以巖邑僻壤故耶吏民狃習故常莫或自振迺殊不察東武固以絃歌十室必有忠信余獨奈何墮先正所建俾賢大夫君子之烈鬱而弗彰乎按邑志名宦孫原貞等鄉賢吳駟等則祀有其人矣按均平冊羨金則祭有其禮矣于是上之郡伯李公可之于是上之兵憲查公今韓公分守勞公今邵公督學屠公今林公先後代巡龐公王公督撫劉公谷公咸可之卽以前羨金爲建祠費役不敢擾于民也鄉賢準諸唐宋名宦取諸邑乘以論定也蓋不敢以

不慎也工事既訖願一言垂之石經侯子曰賢者之
度誠遠哉夫今之稱吏治者孰不以催科爲急務刑
獄爲大政簿書而赴期會繩下而共上令此其必得
稱能矣至于述舊禮明好惡審崇尚思本務鮮不以
迂遠而濶畧之也嗟嗟乎感化之道不其渺歟故曰
下邑必樹其風一鄉可以爲績是以宓子賤鳴琴而
單父治范武子修禮而志士宗夫思其政愛其樹用
其道存其人古之制也吳侯亦猶行古之制而以禮
風民者歟二祠立而數善臻焉典廢廩役見其才講
泰順縣志

卷十

文類

三

功核實見其仁好禮悅樂見其德俾民而興焉則處
足以善俗而出亦足以善治矣吏而興焉則內而不
失其身外亦愈益不失其民矣其俾治教之所不及
者不亦多乎夫下邑而已若是使其得宰天下不當
亦如是邑乎其視屑屑夫今吏治之能者末矣末矣
侯名敦本字守之浮梁人以鄉進士令茲邑其心內
恕肫肫而斷割當理其政主惠愛而威訖豪侈其行
悃悃不華而名實蹶起砥節操廉不惟一介無取雖
里役供具之金亦盡蠲之而刻約以自給是深于道

術者非耶固宜行事與其人相類故曰移風易俗使
天下回心而鄉道者類不在刀筆筐篋之間也

崇報祠記

周光庭

本縣知縣

國家以祀典為大焉及于先哲令德之人所以崇德報功而垂世教順人心也然禋祀之有司所以依神可
 以簡陋塞責為哉易言王假詩稱閟宮三重也今郡
 縣之祀所居以為明質者莫不恢弘其宇而飾觀觀
 焉意以如此泰順之建尚書孫公祠也其義何居蓋
 自景泰改元初閩寇鄧茂七于茲倡亂時公為浙江
 左布政使親率師與潘尹序陶文隆等討平之復疏
 請置縣因割地為界縣實自公經始凡城池廨宇庠
 校倉庫戶口田賦一皆公所裁定經今二三百
 餘年民享昇平之福皆公之賜也考之祭法
 有推陷廓廟之文在啓疆闢宇之績所謂以勞定國
 非乎夫既建廟而尸祝之矣顧名宦有祠以崇位而
 列之庶寮則褻焉弗尊專祠有室以旁舍而隱之一
 隅則隘焉弗顯歲時享事舉莫敢廢而民之瞻仰無
 從以達嘗慨夫禮制之未稱而思以更置之也或服
 相度閑地得陰陽學舊址正臨孔道位居向明宜為
 崇奉之所于是聚財僱工造為正宇三楹庖湏守

之舍二楹門樓一楹事竣奉公之主而視焉
昔加嚴而士民之趨赴拜瞻者咸欣然以爲容且便
矣夫公以文武兼才屏翰全浙勲及社稷澤溥斯民
固在在思之而泰順之德公更深欲以闡揚而崇報
之更切今祠之創也爲民立典既有以副報本反始
之心順時恢宇又有以隆高山景行之意故曰義有
取爾焉公之英靈如在當流注于茲而於昭來格與
祀典相爲無極矣古語有之祀所以昭孝息民定國
家撫百姓不可以己愚雖不敏竊遵效之亦曰有司

泰順縣志

卷十

文類

十四

之責云爾是爲記

郡侯何公恩復優免碑記

永嘉項維聰

布政

我太祖建學造士優養獨至每生員免糧二石二丁一丁著爲令甲普天無有異同士子無不沾惠者泰邑諸生優免糧數視各學稍多蓋以本邑差重而糧輕總亦準于二石二丁之制未嘗有加也頃者藩省節拙孫公奉查雜職濫免以致諸生而有儘銀之議非不念諸生也彼時槩執二石二丁之數而未按泰邑則之輕重與諸邑不同耳邇來泰邑百廢俱廢錢糧皆爲猾書所乾沒無所抵塞口實諸生遂有

順縣志

卷十

文類

三

以免之說所減幾何于諸生有損而于百姓未有益也青衿輩董生邦允潘生士望鄭生一宰等備情上懇邑令汪公爲請于郡伯何公公愀然曰我國家養士二百餘年二石二丁之免其來舊矣奈之何獨欲廢之一旦而爲人實滿卮厭谿壑也乃移文司道詞晰而詳意懇而到若身處其地不爲是不平之鳴者當道爲之感動竟從其議諸生咸喜邑而相告曰是矣何太公祖之大有造于士也其能沒世爲千古是諸生輩走幣乞言于予勅之貞珉以垂不朽

佞安得以不文辭泰邑負山而阻溪商旅罕至民自耕桑之外別無利源嵒猿媮生而忘積聚而士之貧尤甚業在一卷耳非上之人曲體而厚植之其何以自存區區優免是其所藉以爲燈窓之費政所以寬一分則受一分之賜者寒儒望恩無已增之猶可乃減之乎公慨然爲之請復宜士之翕然歸心也公慈祥之性出于天植甫下車卽詢士民疾苦以稂莠不去則嘉禾不植其有倚悍逞克以凌侮我青衿者疾之如仇一一置諸法三木之囊不少假也至與諸生

課文談藝每每出其獨得秘旨共相印證指摘瑕疵詞疊疊不厭如羣飲于河各充其量賢愚僉受益已蓋不特兩庠爲然卽外邑諸生亦不出其陶鑄秦雖越在五百里聲教無阻每每竊窺其意旨以爲趨向稟稟乎以公祖而爲嚴師已詎一踐更之復而使寒酸之有養已哉言畢諸生成唯唯以予言爲知公之深者鐫之石以記公名廷相號旭巖成萬曆丁未進士廣右富川人也

之治有年矣民負險阻習于悍戾寇攘恣肆兵
之治有年矣民負險阻習于悍戾寇攘恣肆兵
尚書孫公原貞率師討之于是卽羅陽土中東盡
瑞安一十里南界平陽百八十里北抵景寧西逼闕
壽寧封邑以親之長治久安之策也治封麓備
小康逾年而闕之餘黨復萌將熾于境孫公復
天兵悉平之于時推官溫侯儀以才猷受知于公命
統民兵以殿獲捷遂有巡督屯營守備之任鈴閣優

泰順縣志

卷十 文類

三

游肇建學宮之餘乃曰城隍邑之主也國初頒有譜
典矣邑封旣備廟祀其可後乎主簿徐君福昌承創
建之任卜地縣治之南知縣郭侯顯宗締典其規典
史鄧君顯亦預贊襄未幾而落成門廡祠宇題主肖
像如式粵自首事迄今境土寧謐衆謂宜勒石記之
而屬于予切惟諸公能知所務肇祀其所當祀者屬
邑之民望在是神其棲之于是焉協相治政之所資
昭報淑慝之所係水旱疾疫禱祀之所寄有官有家
者之托望不其重乎噫遐陬僻壤之鄉易而爲更鼓

樓臺之地干戈弓矢之習化而爲衣冠禮樂之俗山之英以時而秀麗神之靈以時而顯著中興之治何其盛歟

泰順縣志

卷十

文類

天

重修城隍廟記

華 楨

城隍應祀之神泰順之祠重新者大尹郭侯顯宗也
初設縣治時主簿徐福昌佩篆先至卽縣之東隅爲
城隍祠草創倉廩而制度未備觀者病焉甲戌推官
溫侯儀示命備禦境內遂遷于縣之東南隅開山闢
址作新廟熊先生記之詳矣天順庚辰郭侯朝回睹
其廟貌淺陋慨然謀于一尹耿君輝幕賓鄭君清曰
斯廟作于擾攘之際及今歲豐盜息而天官更爲之
乎乃簡民之誑誤者悉從寬貸俾就墮斲凡工費有
泰順縣志 卷十 文類

餘于是耆民樂爲之趨事矣始事于春落成于冬廟
之崇加故八尺深廣之加亦如之是主肖像偉于舊
規模改觀輪奐維新命予以記予謂稟聰明正直謂
之神故禦災捍患功被海內恩流後世于是披袞冕
極國家之封廡如今神爲陰陽表裏敕諸司郡邑咸
崇祀典而郭侯慎重之有以也侯涪州人境內稱治
繕葺一新耿君鄭君北直隸人簿吳君斌泉州人皆
可書也是爲記

重修朔城隍廟記

臨海張志淑

邑有城隍古也蓋城以衛民隍以達城民之依也曷以祀環區而城則山川之氣一邑之精萃焉其英靈所發有弗赫然著乎是故物之升沉氣之盈歎歲之登否民之災祥咸神焉司神不得所則人物氣數皆失其理是故王制自畿都郡縣凡城以居者蔑弗祀焉唐宋以來率有恒享我國家每朔望必令郡縣禮謁如文廟儀崇厥享也秦舊有祠以草創兀立南城廟貌痺塌弗稱其修飭者不過易椽瓦補罅隙已耳

秦順縣志

卷十

文類

三

非有宏規大式也用是神失所依邑亦多屯秦土庶有增廓之志而弗獲其會隆慶己巳秋金浦王侯尹泰謁廟里者輒以是請侯辭以初政未遑迨二載興廢起踣均役平訟民熙事安庭無甿牘侯曰可矣乃辛未冬經度召工取材于庫木之山續大雨漂商木千計惟廟材弗失入感神之既而集力課程爲堂三間中肖像品式儀物咸具左右各爲廊五間後作寢室三間翼以兩軒前作重門三間擇以屏牆環廟爲垣數十丈文以采繪規制弘遠丹碧相輝巍然燁然

入其門肅肅起敬有莫敢自懈之心則山川之靈將
弗益爲完聚斯神之精將弗益爲顯赫乎迺者莒岡
民家有氣如霧經月不息男女徙遷衆言于侯侯曰
此妖氛也移牒于神未幾妖息其徵應有如此者是
侯之精神素與神孚神實幽相之也傳曰事神保民
莫不欣喜侯其以之是役也割于隆慶辛未冬某月
落成于壬申秋某月糜金數百不勞帑儲侯又慮其
守之艱也爲置田幾十畝俾守者有所資焉邑人樂
之恐其久無所識也鄉薦紳張君慶暘陶君治臣協
奏順縣志

卷十 文類

三

耆士汪汝楓等請爲之記因系之頌云頌曰惟民有
生神實主之神之有赫公實起之維廟斯屹維采斯
章岌岌峩峩偉冠一方視聽弗爽昭應無疆錫祉降
休萬物用康萬物用康惟公之將

新建公館記

邑人董

鑑

邑初草創百度未舉惟急縣治學宮如公館者假鳳凰山下三峰寺爲駐節蓋亦有年弘治辛酉知縣范侯下車他務未遑而先意學校遷建之經營三載輪奐一新復慨然曰公館不舉非所以待使節也乃擇善學左空址一方酌公計費隨山刊木輦石陶煉度地位築墻垣濬溝引渠廳堂廂房塋黜堊抹丹漆畫欄雕檻工價悉出公帑夫役不擾經始于甲寅孟冬越明年二月公館成夫以四十年之廢墜而成于數月之間雖云否泰天道常然而侯職茲土謂非天意可乎雖然物之興廢本于人之賢否公館之建其始侯之賢歟不然何侯之宅心正大操行廉謹邇年以來百廢以之興庶事以之治視前有加俾後可繼之若是哉侯名勉廣東東莞人

遷陰陽醫學記

江右何光遠

舉人

陰陽所以趨吉避凶醫所以衛生禦疾皆仁民之政也我朝郡縣俱設陰陽醫學世其業而治其書者官之其守扃鑰而闔戶牖者悉隸之而時考較之其宜于民者用之否則笞之黜之毋使民罹其害也以故天下之人皆立于光天化日之下無骯髒禍戾之虞有咸躋仁壽之慶我朝仁厚斯民何其至耶泰順有陰陽醫學俱在縣西限于民居其窄不容旋馬歷歲滋久風雨飄搖而陰陽學先圯其醫學雖未至于傾覆殆亦不可支矣東莞范侯來蒞茲土新學宮及公館公無所損民不告勞蓋其才有優爲而時有可爲也暇日顧瞻二學復加徘徊掄材鳩工重新鼎建陰陽學于公館之左醫學于公館之後堂房垣墉不陋不奢匪堊匪獲不逾時而功成官是學者陶君器柳君朝用請予文表于後予曰事之興廢存乎時物之成敗係乎人得其時不遇其人有其人不逢其時皆無自而興起成就也數年以來時雨時暘多黍多稌得其時也范侯學問老成事機通變得其人也得

其時得其人故所建立成而底厥功易焉耳有其時
不得其人則曰仍舊貫而已奚暇改爲有其人不逢
其時則曰得無勞民乎不是急焉范侯之爲政也天
相其時神助其施民感佩而歌頌之固宜用文以誌
之也

建養濟院記

邑人張

珙

生民之任重矣凡所以仁民之政宜無不舉然
後無一民不遂其生廢政而求以生民是猶舍耒耜
而求蓄蕃之熟烏可得哉夫鰥寡孤獨無父母妻子
之養天下之窮民也文王施仁必先于此以成太平
雍熙之治自是而後戍蠱苛虐仁意絕矣噫嘻淑氣
動草木皆春暘谷方升萬物仰照我國家于是始
加意焉乃詔郡縣各立養濟院質鰥寡孤獨養濟之
三代之政于斯焉舉泰順有邑迄今垂五十年斯政
泰順縣志

卷十

文類

三

尚缺風露之下未免有啼饑號寒之聲是三代之政
施于天下而泰順獨闕焉惟我范侯履任之初乃能
爬搔痛癢洗濯瘡痍審先後緩急之宜酌大小輕重
之務于凡政之所當爲者無不爲之乃謀諸父老建
白當道度地立養濟院然後鰥寡孤獨疲癯殘疾者
始各得所則我朝之仁政如玉澤流于焦涸之地陽
和暢于沍寒之谷仁心浹洽無一夫一婦不被其澤
矣雖然莫爲之先孰爲之後今也創古而爲之先則
後之爲政者將推行而繼之也斯邑窮民之賴非侯

之功而誰功耶予樂記其事俾後之爲政者知所自
云

泰順縣志

卷十 文類

三

重修羅陽書院記

邑人張慶

一日百工居肆以成其事是故君子欲精其業必
以爲藏修游息之所如嵩陽嶽麓應天白鹿四書
院是已泰順舊無書院前尹肇慶區侯慨邑僻少文
諸生肄業無地因拓城之便按地軸山墾基築址爲
堂三間樓三間與以羣士畜業適擢以行北晦兩
清廟毀廢場歲隆慶己巳閏金蒲王侯至愛養羣黎
作新士類每考較必親爲黜竄輒恨諸生寡述爲之
申道義正文體以勸率之一日卽南軸山嘆曰前迺

泰順縣志

卷十

文類

七

諸阜後負雙峰四水環滙羅之秀也區侯之業可遊
廢乎爰鳩工振飾堂爲之門壁樓上下闢窻牖凡構
櫺椽瓦悉易之扁其堂曰養正樓曰卽止復作兩軒
前後階陛礱石爲之又設門役以司啓閉每登樓則
飛龍舞鳳諸山望如揖讓薦紳士類作而喜曰美哉
巍如可以崇德廣業矣不有區侯孰開其先不有
王侯孰繼其成愈謂作成之功比于創始乃因姻友
陶君治臣汪克明等請記予見世之領郡邑者率以
勾稽爲良其能勵精政事崇尚文教如文翁在

三三在餘杭無幾人王侯爲秦躬廉儉者需費
存立摧奸摘伏甚得邑人心當道嘗欲兼以他
秦民遮畱不舍旁邑板望如渴而又不弛文
其柳子所謂可歌者乎雖然張敬夫記獄獄
書以專言仁朱元晦記石鼓書院補以功蓋仁人心
功以至仁也欲至仁而弗循厥功猶墮埴而索途
其功維何亦曰于未發已發加之意耳是故未發
致其養已發致其慎斯內者不出外者不入而心存
心存則仁具天下之道胥是矣國家以文取士志用

秦順縣志

卷十

文類

三

世者固不能廢文然其道未嘗異是故文之不明道
之未充也諸生果能仰體侯意以張朱所記于書院
者講磨弗置則德崇又博六經以發其奧類事物以
廣其識叅古今以盡其變則業廣德業崇廣而道充
道充而文著由是達之鄉登之朝以匡時阜物以大
斯道之用不爲有光于斯建乎若玩意庸淺剽竊似
是自以文在是于道槩未有得者匪侯望也陶君曰
然遂請書諸石以永侯教復系之頌曰民之有生侯
實植之民不知道侯實教之教之弗已有堂筮箴可

以觀業可以萍磨游斯息斯佩履儼儼或以道顯或以文羅陽流沛澤爲漢爲沱何以報之鐘鼓詠歌

重建太平橋記

吳國器

本學教諭

泰順治之北有溪流發源于栝蒼迂迴曲折遠泮官之右湍流而號不息直走閩地民乃病涉正德十有四年邑人張璉同弟日瑄日琳生員日璉伐木爲橋久之而頽且圯矣嘉靖己酉秋蔡侯至舉廢興遂乃令諸張氏之後曰太平橋之建也始于汝祖汝其新之以繼汝祖之美耆民曰張坦醫官曰張贊咸驩然趨事侯乃取能于其工焉取力于其壯焉木者石者陶者咸中式經始于八月四日告成于十月望日更

泰順縣志

卷十

文類

四

題曰登雲橋而屬予爲記予曰天根見水涸水涸而成梁古之制也時詘而舉羸者君子以爲厲乘輿以濟渡者君子以爲隘惟夫大道之世天下爲公貨惡其藏于已也力惡其出于身也今之世非古歟而茲橋之建捐貲殫力若合于古焉何哉蓋人之心一也顧感之何如耳侯之蒞任幾一稔其政簡而不苛德施而不窮惟政簡故民不困惟德普故民孚厥心早豈有古今之異哉易曰順以動豫又曰說以使民民忘其勞其斯之謂歟齋是而泰順之士得乘駟馬

以渡此橋者莫不仰而嘆曰懋哉侯之功也其延及于吾士遠矣泰順之民負戴而荷肩屨此橋若坦途者莫不仰而嘆曰懋哉侯之功也其延及于吾民遠矣夫豈舉而匪政者比哉大畜之辭曰不家食吉利涉大川傳說之命曰若濟巨川用汝作舟楫以其有濟險之才也侯之才德真可媲美于古行將舉而上之以弘濟天下之艱難又豈泰順焉已哉器也仰其成而幸古風復見于今也遂刻之石以俟觀風者采焉

重建太平橋碑記

潘仲蘭 本邑知縣

太平橋東距縣治不數百武而近橫跨溪上水門石址傑閣長廊翼翼鱗鱗遶泮宮而走閩服真一邑巨觀也建自正德十有四年而重修于嘉靖庚戌蔡侯梁其上題額太平士民商旅踵錯肩摩邑中藉此以壯形勝故閭閻鼎族撲地歌鐘衿佩時遊絃誦四澈吏茲土者因得不下堂階彈琴而治邑已運遘陽九巨浸蕩析漸次就圯以至今日民不能不以時詘爲解也予初承乏斯地甫脫駮釐百廢此實其首務已

泰順縣志

卷十

文類

碑

迺巾車如溪懼然者久之曰國中之水民尚病涉誰實司牧而令若是爰集諸父老子弟商之而時有學博士弟子鄭生一字等一者首稱厥事予因解囊中祿入之餘以倡而遠近慕義者輒蒸蒸喜于臂助一時梓人梓石人石陶人陶舉三峰蘭若僧圓宗者董其役圓宗茹瘡攻苦甘心勞瘁衆人爲之愈力橋外增設數楹爲守橋計而規制較前倍加完固既告成事相與徘徊四顧咸舉手賀曰侯之功偉矣噫此天之力地之靈人之義也予則何功大都興廢之數一

乘乎時橋創于武廟累孽于巨浸而重新于今日夫
非時爲之乎夏令九月除道十月成梁從古爲然故
陳火朝覲而道弗單子隱憂召信臣治南陽務先津
梁而南陽治君子以觀國焉予糜粟五朞不能媿信
臣百一而力竣此務亦體單子之隱憂而汲汲乘時
以利濟云爾臨斯橋也顧名而思其義惟是宗社永
安瀾之慶國家無板蕩之虞王道平而無陂世路坦
而靡熾與斯民蕩蕩平平共躋泰道斯無負太平之
旨而已若徒曰坦者葺矣山川圍合草樹籠葱水影
泰順縣志

卷十

文類

望

嵐光朝夕萬狀則太平之意謂何詩不云乎周道如
砥其直如矢君子所履小人所視此予所爲不憚經
營以成此大役寧直爲要津計深遠哉時辛未之孟
春予方趨裝還里澗爲作記

重建洪口東渡橋記

邑人曾一申

邑東四十里洪口邑水陸之衝也烟市鱗錯商賈
集道通甌栝且四山拔聳二溪環夾東西兩渡每當
淫霖洪漲其險不下夔峽劍瀨先是議者謂西渡深
闊不可成橋歲編夫船以濟東渡水仄且淺宜橋舊
水舊陰陽官陶器倡義捐田築兩岸基以橋迨己未
冬罹倭燬歲隆慶己巳漳南王侯來甫一年百政具
舉一日之郡城臨渡嘆曰偉哉茲渡其吾泰之江漢
乎乃捐俸金二十兩治之而難其董者詢諸衆舉器

泰順縣志

卷十

文類

四

孺孫生員汜汜得命遂悉委家政矢心竭力助穀二
百石爰召工鳩材以固厥基以隆厥宇于是牙軸相
涵若盤若結計高幾丈長十七間肇工于隆慶四年
冬十一月落成于五年春二月糜金凡若干兩公私
兩便訖無險患僉謂侯之政洽于一時侯之德垂于
百世不可無述謁予請記予惟天地設險人實相之
是故古之聖王大經大法無不備而于一事一物之
微凡可以爲民利者罔不曲爲之處實輔相左右之
民法美意也侯之政其大者聖路關門泮餼賦役均

調度省獄訟平羣克殄善有勸以惡有懲蓋所謂大者
已盡而凡細事弗之遺可以觀政矣是故自斯橋之
設也三魁有橋泗溪有橋山澗幽僻之地莫不有橋
四方之旅于泰與吾民之東作山西成者咸免淪溺之
患疇非侯惠哉昔王周有善政入橋壞覆民租車周曰
刺史過也乃償民粟爲治其橋而張益州在鎮人有告
以道路修砌者率以爲好官薦之豈不以用其大不
遺其小橋雖細事在王政亦濟人利物一端邪世之
言政者徒知善事事之爲良不知濟人利物之功爲
大也於戲侯之德之功溥矣因爲之頌頌曰維山巖
巖霖雨滂滂維侯之政鉅細畢張侯之德兮維澗斯
覃侯之澤兮維流斯長侯之報兮萬世無疆

洪口滴水巖記

林繼志

本縣知縣

洪溪上迫危石下臨深潭稍營而西又為溪水所浸
民病涉焉予宰邑之明年命工壘巨石築焉邑民曾
大程佐其事踰月而告成因下車徘徊良久嗟峨奇
崛涼氣沁人覆者如蓋滴者如珠紫者如染响者如
琴匪特越之如康莊遊人尚可駐馬呼鷹于此稱一
邑之佳致焉遂記其歲月云

羅陽義路記

邑人陶清臣 教授

義路記者董子天香捨田以濟衆衆義之志弗忘也
景泰間僻邑并廢靡所施市之民東西汲于溪而羅
陽之田爲董氏世業嘉靖庚寅邑新城天香乃夷田
築室民日來同自城南接于西街聿成市聚額室雖
西向前猶田也燈籬雜蔽厄塞在邊莫可順適也天
香慨然曰居猶之身也而血榮周流經絡無滯乃罔
疾疢一手足間停忤壅窒輒痿痺癰瘡矧民日用欲
食須于地利吾專吾田一人之利也衆則艱焉是以

泰順縣志

卷十

文類

記

一手足病一身也而可乎屬隣姻劉傑輩告之曰室
以西開路抵溪爲捷田則吾有也吾無吝惟是計庸
屢役匪衆弗克通其塞則不厄徑其枉則不邊須而
成之百世之利也諸君其圖之僉謝曰子弗靳我儕
享厥利敢不唯命歲己酉秋衆方量工命日而天香
往矣厥似元書元禮元詩追惟考志未就抱戚集謀
北自官街南濱溪流坊其田長三百五十尺有奇廣
六尺餘姻隣乃徵工儼功不浹旬而道成人人稱便
矣爰相與名其路曰義而伐石請予記焉予惟長行

多善始而弗克終是以沒世無稱君子所疾天香少業儒人器之壯而掾於邑人疑之退而立家教子人羨之垂沒而有此舉人義之其亦考終命者歟而元書輩又克敬承先志可謂孝矣昔范文正公置負郭常稔田千畝以濟羣族其子孫世守民到於今稱之夫因後世之所無及也乃今圖利而不恤于病民動以尺寸之貪僥其骨肉者是又天香父子之罪人也何莫由斯路耶予于是有感焉誌其事以植義風

東溪渡田記

邑人張

鷲訓導

吾泰僻處萬山其澗壑溪川固有大小險易之不一若東溪者其溪之大而險者乎且道通閩浙往來者衆商旅負載而行每當暴雨洪漲未迄濟有至漂沒雖設官渡銀兩不敷守者存虛名耳江右饒文始商吾地子溺于斯文痛子因念後人之復溺也乃具情邑周侯議造渡舟立渡夫庶有濟矣又以徭銀歲更渡無常夫于是捐田二畝爲之倡而好義者咸樂助之約十餘畝然畝累于渡其無濟猶故也乃入己籍

泰順縣志

卷十

文類

四

供役又慮傳之既久其畝不得不歸之渡欲其濟且常也難矣適觀邑丈田有餘田數十畝意得十餘畝以抵渡田庶茲渡可永無困邑侯金浦王公履任廉明仁恕拳拳以利物爲心文以情告公遂慨然曰吾責也以餘畝抵之俾永毋爲斯渡累於是文出告於衆衆咸欣躍舉手歌曰東溪之水浪浪不可以揭厲兮東溪之岸茫茫孰俾我濟兮天畀王侯爲我舟楫兮今而後吾庶幾解我瓠兮是開其澤之始者饒文也成其澤之終至于永永無替者王公也公其仁人

矣乎文德公之德且克成己之志請予記諸石俾涉
斯渡者知所歸云

泰順縣志

卷十

文類

五

復仕洋義渡記

邑人周家俊

舉人

泰邑遙屬甌郡無沮洳民不漁養日食皆閩產也旅人至者肩航背輦取途於七都之仕洋仕洋者時水洋洋也詎治九十餘里當六都八都之尾閭合流於閩之谷王闔邑之巨津云每一舞商羊陽侯噴激森茫澎湃滔滔若隔天塹行人望洋搥膺趨趄累日至有殉波臣者前孫侯從廩生董良度義士饒邦松董邦祖等請捐資募義造舟以濟更構屋置田以守之名曰義渡邑咸賴焉無何禁疎奸起強猾土民因之泰順縣志

卷十

文類

至

爲利從而漲其畝沒其租毀其廬而渡遂廢大爲地方病者凡七閱春秋矣淮南潘侯來令茲土採民風而悉若弊愴然曰濟涉通商政務之要况一邑之往來而令輿嗟于斷岸獨非守土者責乎遂核其強猾者于法徵其侵課庀材木蓄衣茹興復具舉民不擾而工告竣仍豁其虛糧是畝是籍爲經久計召人居守申嚴侵費之禁而勒爲令今而後濟可永永也茲之役孫侯翺之潘侯復之孫侯藉復者以不朽潘侯視湖者而有先則臨若渡也水天上下川原映漾不

穆然功高而澤長哉大抵侯以自渡渡人超然彼岸
獨行不波故隨施而利溥使其以之渡天下必爲傳
舟祖楫而奠之安瀾渡寧極乎侯甫下車輒燭奸清
獄疏滯振頽民懽然頓起于溺臨治未五月而頌聲
作此其一班焉耳邑民謀壽諸石屬予以記之

夢禮正記

邑人董

鉉

監生

嘉靖歲在戊子仲秋望夜忽夢先輩梅君載道語予
觀光於北卒業於南宮大觀於天下有弗由禮如吾
泰者乎禮從儒業蓋爲正之比寤以爲載道不祿且
久斯言也其弗安也夫遂按禮而正以如其志夫人
之所以爲人者禮與義也古之冠必筮賓服以三加
將責以成人之道不曰冠者禮之始耶大婚者萬世
之嗣日問名曰納吉曰請期曰納采曰納幣曰親迎
皆所以慎重其事不曰婚者禮之本耶喪親始死遷

泰順縣志

卷十

文類

五

正寢男女舉哀易服披髮徒跣不食治棺槨衣衾乃
沐浴襲乃設奠置靈座立銘旌不作佛事襜衣括髮
再設奠大夫三月而葬士逾月而葬庶人無日葬之
日送形而往于墓葬之後迎精而返于家一旬之內
五祭不爲數惟恐其未聚也及其除喪而遷于廟一
歲之內四祭而不敢疏惟恐其或散也庶人之家亦
必有薦新追享之儀其喪祭之禮有如此者斯天下
之通禮也今吾邑士大夫家有一二行之者病者喑
以爲迂故冠禮以繁縟廢至于婚禮甚爲無謂納采

遣嫁專務多儀好名者稱貸以益納采則壻父詣送
糜費殆盡未嫁則女壻登門弗以爲嫌嫁之日粧奩
用奴婢器物可也胡爲羣其畜于嫁者之前壻不親
迎女父相聚飲者或月半餘少者不下十日婚禮其
可言耶迨夫喪祭其失尤甚衰經以迎新婦衣練而
入喪門棺木未具浮屠繼作弔者不分男女雜遶及
門爲子者無暇顧棺槨惟謀以待之大家椎牛醴酒
下戶借貸是用致貧不能舉葬停柩初不計年甚而
指之火家雖富而吝財者亦忍爲之及葬以哭爲不

祥多張鼓樂親戚賀以花紅懽然插帶而聞或唱飲
噫火化最爲殘慘何罪遭此炮烙之刑而爲子者心
胡忍之而寧爲刑人之子也耶其祭也四時不以其
候生諱已忘其辰又安有所謂報本追遠之志哉是
故文中子曰冠禮廢天下無成人矣婚禮廢天下無
家道矣喪禮廢天下遺其親矣祭禮廢天下忘其祖
矣其所係不旣重且大乎緊豈予言古之聖賢論之
詳矣文公家禮載之備矣貴賤不同其分豐儉各適
其宜非弗通于俗也非有費于財也非甚難于行也

亦何憚而不為哉茲感是夢而正之庶乎觀風者用以成吾民焉

秦順縣志

卷十 文類

減鐵課序

何光遠

禹貢梁州貢鐵蓋六府養民金居其一聖人裁成輔
相以利用厚生是亦因利而利之之義也然金與琳
瑯大龜熊皮海錯橘柚蠶絲紵紵之類皆有貢至于
鐵較之諸貢尤不可闕故古有鹽鐵之官以專主之
今之賦其古之貢歟秦順邑萬山間里少地闢銀場
鐵冶他邑莫之並逾年既遠所有者不可得如前所
賦者不能減于後以聖人利民之具而卒爲病民之
端以此知天下利源不可開一開而不可復塞良可

秦順縣志

卷十

文類

五

嘆已嗚呼君上之立法臣下之議法求便于民可也
范侯不忍坐視首命耆民林贊具本于朝下屬郡推
官周公珙隣邑知縣王公約同范侯勉白之得減其
課三之一百姓雀躍以爲吾侯下車卽以是而爲民
無往而不爲民也昔王堯臣不權蜀井之益何易于
焚權茶之詔而天子不之咎察使不之劾焉堯臣易
于俱至顯位范侯所造容有艾乎易曰損上益下其
益無疆范侯所損者小所益者大矣民慕其德徵子
言因序其事而復繫之詩曰羣物出土惟鐵惟銀洵

出于水伐木于山輾轉是登歆傾是處病後斂攘身
垢若脯赭熾其火晝夜不眠產鐵一拳能值幾錢肩
不停擔足不停步千態萬狀莫喻斯苦矧茲賦課累
歲如之豈謂年遠炭盡砂稀赤子嗷嗷顏色憔悴號
天不聞叫地莫語賢哉范尹上奏大廷天子命官理
絲解纒暗甌生輝以輕易重兆民食德推侯獨賢求
我作詩垂千萬年

封銀坑序

王

鑾 本學教諭

聖天子臨御之五年詔天下郡縣凡有銀場而礦脉盡絕者覈實封閉之其憫念元元惟恐政繁賦重一夫不得其所之意歟泰順銀坑發于成化五年上命大臣開辦每歲白銀三千八百二十兩厥後礦脉日微漸次減免弘治改元減至六百四兩三年以來礦脉已竭有司設法或派里甲或派坑夫罄帑補輸瘡痍日甚會詔書下臨黎元莫不稽首曰何幸復見堯舜之君東筦范侯掄揚上意遂進管坑官張文潭陶

泰順縣志

卷十

文類

五

器張禮爰集耆老三覆勘視坑果已竭卽申檄重任大臣會議事聞遂封閉之一邑黎元又皆懽忻無已張文潭等詣予請文以紀其盛予以自古聖帝明王以仁治天下藏金子山抵璧于谷賦稅之貢歲有常數禹之所開貢卽後世之所謂賦若揚之金雍之琳瑯荆之大龜梁之熊皮皆償田賦之輕未嘗于賦之外有過求也天地生物亦有限數豈應無已之求哉傳曰歛時五福敷厥庶民誠哉是言也

鼎建文祥塿記

豫章王介慶

本邑知縣

夫塿何昉乎蓋自乾陀國王于都城東南七里建塿高七十丈周三百步名之曰佛圖塿內事物皆用金玉旭日始開則金盤晃朗微風漸發則寶鐸和鳴此西土之勝事也元魏時靈太后遣沙門賁捧大旛長七百餘丈高僅與齊太后又于永寧寺建一塿高九十丈去京師百里許輒望而見焉嗣有西方佛沙伏國王造塿初成用珍珠爲網覆其上後又解珠網盛以銅鑊埋于塿西北百步上種菩提樹枝條四垂密

秦順縣志

卷十

文類

堯

葉蔽天樹下四面坐像各高丈五恒有四龍典掌此珠雖然此猶以因果論塿而未以形勢論塿也聞之楚郴山邑也縣夙無塿每大比士僅以六人應輒復落落後有張刺史者蒞其地頗精形家鳩衆醵金建一塿于學宮之右是科六人應舉悉與賓興當事者嘉其邑多才因增以十名例往嗣是每試輒有錄者形勝蓋可忽乎哉余觀羅陽形勝山崔嵬以差竅入磊砢而英多粵稽景泰立轄來達者僅周元洲先生丁卯崛起後科名寥寥奚必顯咎人謀之且問諸地

小余自承乏茲土日與多士共義籌備互相商榷
棟桷之材也因邀睇高瞻依舊址于象山布八土之
美蹟顏之曰文祥瑜捐余七石微瘠又集良士
志奮情者共廣文先生愆愆之不盈時日而功
以視夫瑜珈之建寶塔百鬼助以日工雀離
圖四天扶其夜力何以異是是役也雖一邑

非奉上臺俞允未敢遽也因請之兵憲希菴
人慨然斯舉輔以清餼昔有謂補聖故寺者
是曰梵之福今特鼎新高塔者不曰曰梵之
福乎嗟乎塔

秦順縣志

卷十

文類

卒

之一字說文古本皆無則其義始于西方可知已然
其爲說則又自天而端因地而居蓋又得乎陰陽之
大樞也塔喜落成諸士翩翩赴試余揚觶祝曰是科
有應運興者衆其勉旃迨撤棘而周生豕俸果雋
前茅予益信目前之奏捷不爽則後來之纍纍鵠起
者自可操符券也士益勉旃形勝蓋可忽乎哉是爲

記

國朝

重修登雲橋記

邑人董永孚

永康教諭

橋梁之設原以利行人也形家以水口緊關爲利似不可信而有可信者邑城南里許兩山分峙瀑布懸崖故明萬曆丁巳鄉士夫建橋於其間不過資利涉耳俄而棗萼聯鑣後先繼美邑人利之似非形家臆說也及

皇清定鼎兵燹之餘橋板傾圯順治乙未耆民王君祥

鳩工庀材起而修之時架梁大木未壞也至康熙甲

泰順縣志

卷十

文類

奎

寅閩逆構變城邑丘墟風雨飄搖橋日崩塌卽間有

修補不一二年而仍壞行路徬徨共相憫惻歲己卯

周子蒼六季子石梁高子振川及家啓東鳳儀勝九

諸叔暨弟元述等日謀修葺命余弁首余一官無影

十載徒勞檢橐旣乏錙銖對人又難啓口然事爲地

方美利未敢當面錯過百千輾轉勉從所命初運木

一根人工動百開山闢水艱危備歷同人慨然余恐

事不克終強勉寬之寃不自安也爰相與冒霜雪廢

朝昏估值經營不旬日而助工者雲集捐資者響應

屈指兩月工獲落成邑人喜之余終不自安也正君子讀聖賢書謀利濟業區區津梁而必勞處動衆亦何能於地方告無罪第樂善好施情不可阻架書棟於平川前人事也挽狂瀾於旣倒則又諸君子力也今日者峻閣依然板橋如故情深送客柳可折也才高志卓柱可題也道逢黃石履可納也或尋梅致遠稍憩驢背詩魂飲酒長吟聊假丹陽逸興此又爲之力也余何有焉

重修泰順縣學記

朱國源

本縣知縣

學校王政之本也王者立政必將胥天下而整齊之
化導之使之銷惡於未形而復性於微渺故自天子
之國都以及九州之郡縣莫不有學有學而後有教
化有教化而後有人心有人心而後有風俗泰順之
有學宮舊矣基址屢遷規模畧備然是邑僻在山窩
鮮陶冶埴埴地之工無梓慶匠石之巧故雖殿宇聿新
求所謂簷牙鵬首丹雘輝煌者其孰從而見之况乎
歷年已久風雨摧殘遙睇宮墻閭閻一色其何以鼓
泰順縣志

卷十

文類

奎

舞士庶而爲起化之原乎源以菲材濫竽茲土甫下
車卽齋宿進謁低徊周覽感愴係之夫聖賢居無求
安陋巷自樂桑樞蓬戶中歌聲若出金石亦安在此
區區者然而一邑尊崇之地而封塵鞠草等於寒舍
亦甚非今

天子右文重道之世所宜有也因與本學師陳君元麟
卽謀所以鼎新者而無其力越期年餘而出俸入廣
勸輸諏日鳩工舉一切之缺者壞者腐黑者撓折者
漫漶不鮮者皆盡取而更新之且又飭其廉隅擴其

規制施其巧塤如跋翼如矢棘鳥革聲飛閣偉壯麗
燦然改觀泮池之前繚以長垣題曰萬仞宮墻益欲
其瞻崇而仰止也墻內兩旁建坊表二曰典賢曰育
才蓋欲人顧名而思企也而今而後不得其門者自
當嘆慕以求其入得其門而入者又當見鄉賢而思
代興瞻名宦而思踵武游兩廡而思景行乎曩哲瞻
廟貌而思道德之統宗謁宗聖祠而思顯揚宗祖不
關人爵登明倫堂而思立身行己不越彛常此真起
化之原而王政之本也夫人性皆善希賢希聖無待

秦順縣志

卷十

文類

齋

外求立德立言竟成有志學者果有所瞻仰而興起
焉而司鐸者復循循以善誘之亦何慮乎宮墻數仞
邈焉不知宗廟之美百官之富乎今秦監僻處山
而異日者雅化風行賢才輩出使人稱某某能
勵行以爲家邦式某某能明體達用以爲華國
雖退老歸田猶將南望額手而心怡已不然修葺廢
壞有司之常分也亦烏用此曉曉爲哉

義學田記

朱國源

本邑知縣

風俗之善視乎人才而人才之隆關乎教化故古昔聖王之爲治也家有塾黨有序國有學春秋禮樂冬夏詩書隨時隨地而設之教是以英哲輩出俊乂盈廷而風俗亦蒸蒸日上矣迨後文教寢衰古制漸廢子衿貽譏于城闕學宮猶嘆其草深又安望夫小子有造成人有德乎自我

朝定鼎以來聲教四訖阻深閭昧之地咸耀光明凡名都壯邑曳縱拖紳足以儲笈麟網鳳之用者固彬彬

秦順縣志

卷十

文類

奎

乎實繁有徒也若秦順一邑僻處萬山中雖不乏絃歌風雅之士而屈指數十年來登賢書而列仕籍者竟滅跡而銷聲也豈今人之不古若與抑天之降才爾殊與余怪而詢之父老曰秦邑土瘠民貧爲士者亦皆朝乘耜夕橫經別無餘資以供膏火而蓬樞甕牖中又寧有餘力率其子弟執修脯負囊篋以北面而事師哉余曰噫是誠可憫也秦邑舊有義學而隨興隨廢皆由爲宰者存其名而無其實也夫田間子弟藜藿不充而欲其盡禮于其師此必不得之數也

一府家無斗筭而欲其盡力于其第又豈可
乎余既忝承乏自當謀所以振興之且爲經久不敝
之計是不得不捐橐中餒并藉郡人士之力特建文
昌魁星兩閣更拓數楹以爲講肄經藝之所整修三
聖殿爲啓蒙養正之區又酌置義田凡若干畝有零
分授兩塾使設教者朝夕有養無內顧憂而又于公
餘之暇考其課程察其勤惰優以飲食給以紙筆勉
之以孝弟忠信準之以規矩準繩務使爲之師者樂
于教而無怠厭職爲之第者樂于從而不敢戲渝爲

泰順縣志

卷十 文類

表

父若兄者亦樂于督率而不至姑息以表安見異以
徒業則小子有造成人有德胥在是矣豈徒循誦習
傳工雕蟲小技登賢書仕籍云爾哉第人事之功効
難期仕宦之變遷無定後之賢宰苟能承吾意而恢
弘之振勵之則彈丸僭壤而人才風俗之盛倏轉勝
于壯邑名都亦未可知也爰刻石以俟諸後

文昌閣記

陳元麟

本邑教諭

文昌者天之所藉以昌文運也然而非其地則不昌非其人則不昌此亦若有候焉以發之不可強也秦順本羅陽巨鎮環山帶水視他邑之墳墟茅葺一望平蕪者什伯也然而士氣不揚夕秀未振落落八九十年拔魏科登顯仕而羽儀乎王國者渺乎其不可得也豈果無其地哉亦無人焉體天意而格神庥耳今邑侯丹臺朱公真其人也侯自丙午夏蒞任且夕圖維百廢具舉孜孜焉尤以興起人材爲急故旣修

泰順縣志

卷十

文類

七

葺

聖廟而問舊所謂文昌閣者則已頽廢于荒烟衰草之中神像雖存已播遷他所斯文振興之運庸有與乎爰是擇吉壤命工築建文昌閣于文廟之前之左中隔一溪參差相擊是真可謂近聖人之居而助道德之光矣不寧惟是前瞻地軸後擁天關萬羅一峯宛如屏繞文祥七級聳若揆天蒼松與翠竹爭奇飛瀑與奔泉鬪響日星激射則千頃烟光雨雪霏微又百端變幻蓋羅陽固有山水之秀而斯閣也又盡滙羅

陽之秀焉豈非有其人而斯有其地乎吾聞文昌星
在魁斗前三可以轉凶災成吉慶亦可以變莠稂爲
良苗則斯閣一建而神所憑依端在乎此吾見自今
以往神體天心以昌文運而多士蔚起又能體吾保
之意以精進于斯文安在援魏科登顯仕者不更聯
袂而起接踵而生乎予雖老矣願拭目以覘後效焉

新遷養濟院記

包惟儼

本邑拔貢

聖王立政鰥寡孤獨廢疾者皆有養以其笑笑無告拯之則易藉緩之則立稿此養濟之院之所由設也第養濟者養之而有濟于人耳衣以濟其寒食以濟其饑醫療以濟其疾苦皆養之之事也吾邑養濟院舊在東郊離城纔里許然而四野荒蕪家民屋鮮少往往為異鄉逋逃藪惡疾匪類踞其中毀瓦折椽以為食而本邑之笑笑無告者反趨趨畏懼而不敢入則斯地也斯院也適以養惡而濟奸耳夫豈

泰順縣志

卷十 文類

究

聖天子發政施仁之意哉丁未歲賢侯朱公燭其弊以為鵠鳥囂張則毀其巢蔓草難圖則削其根毒獸滋害則窮其穴今此院僻在鄉隅非有以驅除而更張之則不靖于是上之巡府兩憲可其議而異鄉之逋逃者尅期遠竄舊院一炬倏為焦土四境之中翕然稱快爾乃庀材鳩工改建于縣治後之左門堂廊舍轉盼聿新由是而本邑之無告者慶得所矣蓋治近則流丐不得入室完則寒暑不得侵而且呼痛必聞軫恤孔易依然赤子在慈父母之傍而笑笑啼啼皆

情關一體也其所以養而濟之者顧不大與儼謂公
于是舉也有三善焉智以察之勇以決之仁以行之
操此三者雖輔理天下亦當如是孰謂枳棘百里足
以久棲鸞鳳哉荒言不文請以爲券

增修城隍廟記

周奕燈

本邑廩生

壘土爲城塹土爲隍二者皆所以藩衛民生也神以此名亦欲其禦災捍患理陰贊陽使民享生全之樂耳神之責顧不重哉責甚重則其功德亦甚偉故

朝廷封爵府稱公州稱侯縣稱伯有事山川則合神于壇有事邑厲則神主其祭令佐蒞政先與神誓朔望行香次于

先師神之靈亦甚尊矣然

朝廷尊之民命賴之而廟貌不崇棟宇湫隘其何以肅

秦順縣志

卷十

文類

七

觀瞻嚴對越試思王公大人之居非堂高數仞棖題數尺冕藻輝煌于殿陛吏胥森列於中庭而垣頽戶冷觸目荒涼則雖蚩蚩小民猶將藐焉四顧而不生其畏也况神之冥冥而默默者乎夫人之畏心不生則慢易之心作慢易之心作則雖有邪僻之行亦恬終而不知所悛然而神其怨恫矣禦災而捍患者不且反降割一方乎秦順舊有邑廟而昇隘彫敝香燈寂滅神像無光邑侯朱父師一舉而更新之且復增其所未備如歌臺兩廡六曹神像無不巍然可觀然

後邑之人民至其地而趨起行其庭而悚惕顧瞻左右不啻十目十手之指視矣仰對神威自覺悔過遷善之不暇矣祈禳者禱祀以薦馨香報賽者歌舞以娛神聽由是怨恫咸消神人胥悅時和而年豐民安而物阜神之錫福于泰而使享生全之樂者豈有旣哉然則藩衛之責神實盡之神靈之庇民實受之而所以格其神以福其民者又侯實致之也陰陽交贊吾邑其重有瘳乎

修泰順城記

潘弘璽

邑庠廩生

泰邑四面皆山東有飛龍西有舞鳳地軸交筆列于南天關鳳凰峙于北溪水湍急環抱合流似亦可稱天府而無虞矣然城未築而曠寇滋城界隘而倭夷入洎乎增築完固民始安枕迄今垂二百餘年無復聞蠢動以爲憂者則金湯之足恃有明徵矣第功難成而易敗物無久而不毀雖有成勞漸同芑陋未可恃也今吾邑父師朱公甫下車卽周視城垣慨然以修築爲己任然而百務待理左支右絀未遑也越明

泰順縣志

卷十

文類

七

年十月廼捐資百緡益以金矢之贖爲之發唱一時孝秀及鄉三老咸趨義樂輸子來恐後而公躬自督誅祁寒暑雨不憚勤勞僦功幾一載而城樓巍然丹雘煥然水陸門戶翼翼然城匝四五里壘石夾土不遺餘力而向之缺者補壞者堅畀者峻憑高遠矚環若錦幃真古所謂佳城蕩蕩寇來不可上矣公蒞邑纔二載政通人和修舉廢墜未易更僕數而此尤奏最之大焉者吾邑人民得安其居樂其業休養生息以熙熙於無事之天者皆公之賜也其忍闕焉弗識

乎爰勒諸石以垂永久非諛也宜也

秦順縣志

卷十 文類

邑侯朱父師捐俸施藥記

周 琰邑廩生

醫道等于相業言宰相燮理陰陽調和鼎鼐視天下猶一家良醫翊贊生成利濟民物視天下猶一體惠鮮懷保秉心合符故范文正公立為斯言誠千古不易之論我

皇上御極以來保乂元元宵肝憂惕自宰相而下咸仰體

聖衷軫恤民瘼山陬海澨際熙皞而沐祥和疾苦無聞遂生得所不異羲皇上世歲丙午上海朱父師來宰

秦順縣志 卷十 藥記

正書

茲邑父師性秉仁厚實心愛民甫下車即葺城修志設經蒙義塾購義田造渡成梁遷養濟院近縣治凡可以惠澤窮黎者靡所不至而又出其肘後之學以療民于顛危困厄之中兼多購良藥諭鄉都童叟婦女或山嶺遼闊呻吟牀蓐跋涉險巇反受風寒許詳陳病由丹丸膏劑按症給發琴堂之士民扶老携幼殆鮮虛口而所投輒效存活無算此與漢太守張仲景著傷寒論明王肯堂纂證治準繩日坐堂皇為入對脉就案不復知為官長何以異焉蓋父師之精神

心力與泰民之血脉相通故三載于茲歲豐人和招
亡墾棄灑上池而爲霖雨布膏澤以逮痼瘵是其盛
德大業直可以壽國壽民非淺鮮也而父師且曰余
躬膺

簡命實愧素餐惟是幼學壯行俾吾民無天札之戚則
捐茲清俸惠我編氓庶不負

聖天子攸寄民生至意僉額手歡慶謂父師之仁厚愛
民正出于保合太和之懷行將入領樞機恩覃化洽
而後世簪纓鵲起必當如海南倫氏世世相承又非
泰順縣志

卷十 藥記

五

特張王兩先生所可比擬也 琰不揣蕪陋重邑士民
之請爰序其事畧以誌不朽云

唐

山交龍潭

邑人吳 哇

諫議大夫

兩崖相交臂溪穿混沌地臂下無底潭雲雨魚龍戲

宋

百花潭

邑人吳 駟

知府

巖千古異百卉四時開不假栽培力天然錦繡堆

蒼龍巖潭

邑人董天慶

知府

潭深淨如練宛然魚自見獨憐裴笠翁錯下銀鈎線

恭順縣志

卷十

詩類

七

分水山

許景衡

宋忠簡公

舟歲閩中多險阻卻尋歸路思悠哉三江九嶺都行

盡平水松山入望來

咏雙桂坊

葉夢鼎

宋左丞相

金榜歡聲動地雷人人爭羨弟兄才魏我甲第撐雲

起錦綉文章着意裁吳斧兩經窻下和天香並折月

中國輝煌高扁懸千古瞻仰還當起後來

明

新開滴水巖險道賦

何光遠

繫滴水巖岬而且歛南懸千尺之巨壑北瞰萬仞之深潭礪比剛鐵路若懸鑽或竊而曲或突而尖或坑而隘或骹而貼誠當途之憑獸實捨面之飛廉徒者爲之而卻步至者將何以強擔當其春水瀾漫波濤洶湧際老樹之蒼蒼值大霧之滃滃又何禹虬之崎嶇而沉淵之愆愆也及夫朔風釀寒凜凜冬霜心雖定而怵惕足縱健而蹣跚膽戰羊腸之嶺魂飛鬼門之關更不知瞿塘之險阻而蜀道之艱難也以至王公大人遠來赤節行不堪輿步不可鐵王良爲之傾

秦順縣志

卷十

詩類

美

車造父爲之覆轍玄晏先生驚峽三迴益州刺史嘆阪九折又若東鄉西社豈無瓜葛上下往來絡繹不絕農夫力耕田婦餉饁商人趨程舖兵馳牒此其子緒萬端莫不因斯巖而哽咽范侯作邑政通人和苟勗崔瑗仁傑伯華有作有爲無僻無頗所以蝗不入境虎北渡河產靈芝之瑞草挺雙穗之嘉禾以至利所當興獎所當磨莫不殫心竭慮癢搔痛呵其於斯巖之險將如之何于是運籌于中展智于外天丁掘其石髓地將平其石背斜者以平小者以大由是邑

之父老鄉之耆艾莫不舉手加額遮道百拜以爲賢
侯斯舉其功可稱與何易于而並駕同塵土元以齊
名山川爲之出色草木爲之向榮萬民鼓舞豈無頌
聲諄曰已矣爰發歌音歌曰怪石起峭官道旁吳瓮
不鑿如鐵剛路塵一笏無隄防俯視百丈潭浮洗驂
羈雖健難服箱貢雖勇仍勩勩過者但覺花眼眩
如履虎尾雙脚僵捫參歷井直徬徨以手撫膺嗟嘆
長膽喪常恐春水茫足滑尤累冬日霜巖礫自古稱
太行駁駭又說惟天吭眼前便是真呂梁不信更有
千載同一光

新城行

張

忭

籍雲
知縣

泰順築石城延袤四里餘多君建此議欲以奠民居
披棘芟荆複嶂間晨昏經畫倍辛艱虹霓臥波山鬼
泣雉堞凌空北斗環城邑規模非舊觀遷喬聲教自
今還巍巍偉績真堪羨飄飄逸駕無由攀丈夫所就
在茲

巢踞未刪刪巢穴生民悅

遊天關山

郭顯宗

南陸飄風至遊觀適屆期肩輿輝列宿聯旆媚初曠
競逐城東陌遙看洞口蹊樵蕪紛雜還澗壑轉逶迤
黛色浮青靄嵐光濕翠微韶華司長養景物闢芳菲
石潤坡苔縛林深徑草萋峰屏涵霽暈瀑布灑晴霏
蓀爲驚風亂梅因宿雨肥葛覃繁施谷藥蔓漫連岐
朱臉低垂杏丹心半吐葵榴花嬌噴火槐葉暗成帷
鐵石靈椿幹虬龍古木枝茶靡緣澗曲薜荔遶溪西

秦順縣志

卷十

詩類

七

芍藥濃翻石薔薇密蔓籬力耕山畝竟火種粟苗稀
攸伏花陰鹿巡行竹外麋道喧傳喜鵲石鰓負圖龜
毆雀鷓頻舉呼雛燕欲歸珍紋翔翡翠夢兆立熊羆
氣運亨嘉日明良慶會時斯須擊泮魚誓爾慰煩羈
奚憚崇岡峻頻躋絕頂危南瞻閩海滸西顧楚天涯
掃石羅書几開顏進玉卮嘉節陳海錯美醞酌醪醑
嘯咏舒嘉興追陪適所宜握笙懷子晉撫笛憶橫伊
靜愛花香雜吟看樹影移清歡諧素約往事動深悲
東浙連滄海羅陽接建陞遐陬多險阻累世附焉

螻蟻緣依尾鳥鳶隸指麾咸張封豕勢羣奮逸狼威
掠境無流禦屠城靡孑遺虎臣堅保障羽檄達京畿
城社逃狐鼠郊關震鼓鼙營摧疊壘都邑解重圍
凱唱旋車帥廷宣露布辭頒符開治邑疏土隸攸司
食祿功何補施仁志莫違寸心惟許國竭力贊無爲

三峰寺

范勉

自古羅陽鎮三峰第一靈鑿開僧世界幻出佛圖澄
宮殿白毫見烟霞紫氣凝崆峒巖寂靜突峙增華層
齋罷鳥尋食磬鳴猿聽經坐關隣保養洗鉢水雲仍

秦順縣志

卷十

詩類

七

廚僻還依竹簷連獨掛藤因貧穿破衲煮茗汲寒冰
月照年年月燈光夜夜燈像嚴飛虎伏藏轉老龍騰
雨過天花落祠成寶座昇曹溪曾掬水天竺久知名
霧入袈裟潤禪通身體輕半簾春意重幾曲澗泉清
孤嶼客偏覽金山人愛登丹壇時祝壽珍閣每聞鈴
善念豈無福叢林實可稱紅塵應隔斷幽致壯詩情

雙溪義塾

鄱陽劉

錄

平陽知縣

翠微深處聳巍樓彷彿蓬萊海上洲夜半書聲徹霄
漢山靈應爲轉更籌

莒岡靈芝堂

永嘉張孚敬

大學士

此地當年產石英蘭宮尤得舊時名我來一宿棲雲榻古柏蒼巖倍秀靈

五年兩度宿靈芝風景依然似舊時鐘磬未鳴僧未起一天明月自題詩

西峰

范勉

公暇遊觀路不窮天風吹我上高峰蓬萊勝景知何處望斷三山絕島中

滴水巖

秦用中

本學教諭

秦順縣志

卷十

詩類

全

午涼松露濕征衫乘興來登滴水巖沁入詩脾清莫敵泉聲何處更潺潺

山交寺和黄大尹

劉桐

琴堂政暇偶山遊吟倚松風一笑畱試問老僧塵外境西天佛子果來不

和

邑人董

紘

監生

桑田勞勸出郊遊時到山交暫且畱獨樂不如同樂好吾民此意亦知不

三峰寺

徐

瓘

本府通判

禪林來按屬駐節喜清幽花雨香如和松雲翠欲流
閔俗心偏切憂民鬢獨秋驅馳王事急歸騎不勝留

又

桑瑜

歷盡崎嶇路停驂列上方林泉清宦况冠冕減詩狂
風過葉堆地雨餘雲滿廊山僧憐寂寞茶罷又焚香

咏八景詩

范勉

天關聳秀

巨鎮東甌第一山直衝霄漢叠層嵐峰巒雨霽光還
潤林樹春餘綠更藍朝霧散時文筆露曉霜涵處黛
眉酣不徒靈異生賢哲又喜新封列子男

泰順縣志

卷十

詩類

全

地軸呈奇

新建花封鎮遠方軸盤離位實非常龍形漸漸從雲
起虎勢駸駸帶霧藏躔度部分圖書見紀功碑立蘇
苔蒼遙看自是天然處千載奇芬永不荒

蒼龍望海

高岡龍見碧雲端萬頃瑤波欲去難嘘吸宜從天上
起延緣何必地中蟠仙巖聳嶺頭角古木差峩峩
激湍多少行人逃眼望分明指點作真看

舞鳳朝陽

儀形何事泊高岡似欲飛鳴向太陽
梧樹枝頭棲未穩菱花鏡裏影偏翔
九苞曦旭典文運五彩堯天覽
德光靈秘古來人罕見新封從此政昭彰

龍門石鯉

磷磷一石浸潭中琢出天機錦鯉同
應待濠梁驚客夢終求淮水悅親容
江河有負揚馨樂淵藪無勞鼓
鼙功縱使禹門徒點額幾番風雨未從龍

霞腸虹波

秦順縣志

卷十

詩類

全

碧溪迴轉小峰西
蟠螭橫拖翠柳堤
紅暈朝曦塗赤壁
紫騰晴靄映玻璃
風紋撥出中天境
山湧翻成白雪梯
待得引從新頰內
環橋觀習禮儀齊

南陽晴雲

邑面離明山峭高一時雨霽聚雲濤
悠悠舒卷原無意曳曳飛揚不見勞
文錦連天因日散奇形變態逐烟消
三春旱魃人祈禱百丈深潭起蝥蛟

蔡原營壘

石壁週圍天造成凱還宿將舊屯兵
旌旗曉霽龍蛇

影行陣西風鼓角聲
百隊貔貅聽號令
一方黎庶賴昇平
隣邦最是殘孽却
怕當年細柳營

龍關山

郭顯宗

危峰夾澗類蒼龍
峭壁崢嶸氣勢雄
戰野諒知非六極
在田今利是羣公
東連滄海鯨波潤
西入羅陽鳥道通
平寇總戎多駐節
丹崖猶帶將旗紅

莒岡靈芝堂

張孚敬

大學士

三四年前過莒岡
靈芝堂裏駐行裝
溪山不老渾如昔
使節重臨却有光
百丈高樓何落落
千秋古栢尚蒼蒼
畱題未得紗籠護
分付山靈為主張

泰順縣志

卷十

詩類

全

過洪口山次張邑簿

邑人鮑

縉

盤礪崎嶇上翠微
空青曙色襲征衣
芳村地暖花開早
幽谷山高日上遲
黯淡嵐光浮正氣
參差樹影映斜暉
勤勞王事行多急
踏破殘紅馬似飛

遊山交寺

劉友德

本縣知縣

長年作客慣悲秋
擺脫塵襟喜此遊
滿室曇烟迷鶴影
雙峰紫氣映龍湫
郊行豈效潘郎樂
蔬食空懷杞國憂
撫景長吟清興發
駉鷲直欲駕雲浮

杏石菴

邑人夏存

竇崖仙窟月胚胎絕頂奇觀疊石堆別有一天閒歲月更無寸地著塵埃金燈影滿雲間電玉磬聲迴洞裏雷僧不出門春自老巖花隨意點蒼苔

又

邑人李顏 監生

鳥道縈迂盪翠巒尋幽步入白雲端菴前有石人居少憩底無塵自覺寬瀑漲懸巖晴亦雨陽嘘僻谷暖尤寒高僧老去遺風在莫作他山一樣看

遊仙山

邑人張慶賜 教授

泰順縣志 卷十 詩類

六

峯勢凌嶒俯眾岑洞門遙在半天陰憑空時見飛霞繞絕俗何須弱水深一境淨超三島上齊雲彩動九仙林臨壇獨羨巖頭竹長拂霏烟作霽霖

宿方坑菴

王介慶 本縣知縣

林梢初日弄陰晴露浥溪花笑欲迎澗暗只聞泉滴瀝山青剩見鷺分明遠峰忽轉還如遶險逕徐行亦是平莫謂詩成無與和風篁也解作吟聲

莒溝山亭避暑

莫訝清風入可憐不下簾地皆宜避暑人自要趨炎

竹色水千頃松風聲四簷此中有幽致多取未傷廉
過靈芝堂

金鉉度 訓導

芝草何年降堂仍此日名磬新鑄姓字僧老懶逢迎
淨界連村隱松風繞榻清始知心卽佛造次學無生

水中鴈字詩四首

邑人周家偉

兵部主政

挾策來賓霄漢通晴川索賦恰乘風千行印浪神棲
淡一色凌秋換結空浴日飛高昭大義滔天振遠擅
宗工澄波盡麗文明象漁父先知吾道東

秋色侵波蘸管濃隔簾傳景綴芙蓉朝川圖自先天

秦順縣志

卷十

詩類

全

有洛浦書還後代逢波盪餘光開繫帛筆淘靈氣濺
回峰茂陵遺稿求淵府好附星槎獻九重

河洛呈函禹德神當時不載度來賓集賢何日移江
畔中秘年來出海濱天祿校書歸澤部石渠講義責
波臣鳥官知有司空貴坐論經筵動問津

聯翩齊作會文游窺底須臨天際頭翰爲昌黎驅鱷
染素因供奉釣鰲修八分書法搖玄浦萬斛詞源瀉
碧流不事仙槎浮弱渡排吟一路到瀛洲

國朝

續八景詩

曹紳 本縣知縣

偶閱秦邑志舊羅陽有八景色宰范公曾經題
咏但地方遠近不齊未經寓目今惟就在城及
身所經歷者另拈八景公餘閒暇吟成八律聊
誌山城清况云爾

鳳嶺晴雲

攬輝千仞踞青旻片片飛霞點翠勻曾逐虎風吹作
雨半含蛇霧散成春回翔未欲凌霄漢河潤先應及
楚墳藉筆自慙稱吏隱白雲堆裏拂紅塵

泰順縣志

卷十 詩類

六

南峰積翠

買得胭脂畫不齊烟縹碧樹曉鐘低桂風竹影偏呈
媚暮霧蕉天轉欲迷常染幽妍開俗眼不隨濃艷入
詩題簿書偶暇思相對遊賞還嗤桃李蹊

三寺晚鐘

三寺鳴鐘夜未央曉風吹送到琴堂聲聲敲斷關山
夢歷歷催成鬢髮霜官輿漸隨烏鳥發禪心獨對篆
烟長遙知假寐班聯客待曙鳴珂入建章

萬羅夕照

倒影千山射石臺一拳相對畫圖開
荒城寂寂孤雲合遠樹層層返照來
官吏每隨晚吹靜農樵羣下翠微
回何如落日都門道照見東城陌上埃

長虹飛閣

雲根一片壓中流疑是仙人玉斧修
斷岸巧通平野去細流長共遠山浮
彩虹想像空飛鳥綠樹參差壑駕舟
借問澄瀾容點筆凌風我欲試清遊

山城烟雨

重繞陰雲萬壑空朦朧山郭有無中
西園任阻尋詩

秦順縣志

卷十

詩類

七

屐南畝欣看播穀農酒旆濕搖花徑霧
燕泥寒上繡簾風縣門深掩車蹄絕
惟聽鶯聲轉綠叢

龍湫飛雪

白雪霏霏點石林飛泉雷吼澗中藏
青山日午垂簾靜碧落雲開吹雨涼
遠峽細流分萬派近村喬木潤千章
同遊肯許將圖畫收拾清光作佩囊

琴堂雙檜

携琴擁篆古羅陽剩有雙柯作召棠
密葉儘教忘酷暑堅心更喜耐嚴霜
但知漢月遷陵谷不共秦官立

岱旁聞道養脂可駐世卻今俗吏學仙郎

和續八景詩

邑人董永孚

永康教諭

鳳嶺晴雲

雄飛勢欲上蒼旻俯踞高岡錦色勻斜籠淡烟凝遠
照半畱宿霧別含春盤旋未可尋丹穴飲啄何須問
水濱獨羨五丁工力巧劈成苞采絕輕塵

南峰積翠

坐對南屏遠岫齊濛濛春霧鎖眉低珠光滴露新粧
艷樹色含烟過眼迷佳勝已成詩裏畫陶情閒寄景

泰順縣志

卷十

詩類

六

中題興來欲效東山屐時趁雙鳧印遠蹊

三寺曉鐘

懷人夢逐水中央蕭寺疎鐘遠到堂點點催殘五夜
月聲聲敲散一天霜千山應響因風近萬籟傳音叶
韻長伏枕頻添雙鬢短幾回聽罷自周章

萬羅夕照

山突起於縣治之前

一山突兀擁琴臺遶地藤蘿迥不開落日半拖丹色
去明霞遙映樹光來滿城烟火連雲合隔岸樵歌傍
晚回恰好登臨尋遠致依稀月影出塵埃

長虹飛閣

彩虹飛逐駕中流豈是尋常椎鑿修一水遠通野岸
去兩山時鎖碧雲浮靜依高閣渾忘暑競渡危瀾不
問舟若得投書同圯上何妨納履共從遊

山城烟雨

斗大荒城景色空時畱宿雨遍山中飛雲陣陣迷村
落流水聲聲喚野農慘澹烟容堪入畫蕭疎茅屋半
棲風安瀾剩有天然致綠滿濃陰花滿叢

龍湫噴雪

泰順縣志

卷十

詩類

全

懸崖白雪映匡牀萬籟風生峭壁藏玉海流光天不
夜瑤池飛屑夏生涼雷聲隱隱穿林木電爍霏霏起
漢音 聞向溪頭時嘯咏烟霞無數落詩囊

琴堂雙檜

栽花夙羨舊河陽爾獨亭亭笑且棠不向南宮尋採
煉偏從官舍守冰霜時聆琴瑟並雙幹日接雲根豎
兩旁堪向 盛朝稱棟柱豈應高節老於郎

勸農歌八首

上海朱國源

本縣知縣

天子重民瘼宵旰深憂勤躬先耕藉田宣諭尤慇懃

爾祀田祖爲爾報農勲司牧胥仰體遐邇悉聽聞

其二

天地主生成栽培藉人力始勤而終怠豐年猶乏食
矧茲歲一稔待哺自孔亟吾民誠勉旃相看無菜色

其三

易云天行健萬物資化生人爲一小天何至呼癸庚
莫耽遊手樂反以身命輕三時務力作豈止百室盈

其四

竅約由天命澆漓豈性成祇因恒業廢翻覺侈心生

秦順縣志

卷十

詩類

卒

承歡無菽水養子日驕橫莫若安義命田耕心亦耕

其五

懦夫有立志作事許竟成敗子若烟頭轉盼復豐亨
恥爲世所鄙乃爲人共驚男兒何坐困死裏尙求生

其六

稱貸濟燃眉剜肉何能補玩愒忘急公追呼徒自苦
一勤萬事足免卻牽腸肚勸爾早輸糧

朝無政虎

其七

泰殄天所忌樽節自有餘半菽不一飽粒米皆珍珠
何如崇樸儉婦子絕啼呼試看蟋蟀篇良士常瞿瞿
其八

富足禮義與怕落莫恥喪亮哉先民言服膺無少壯
淳風滿鄉閭古道共欽仰含哺一鼓腹

帝力毋相忘

戒淹女歌

泰民生女多不育屢奉 憲禁未盡革也爰
作歌以戒之

泰順縣志

卷十

詩類

七

太極判陰陽萬物皆化生飛潛雜動植人類獨秀靈
乾道成男剛坤道成女貞可知男與女天地實分形
何爲人世間男重女獨輕虺蛇一葉夢父母輒厭憎
炎天淹溺死臭腐集蚊蠅冬天遭水厄頃刻結寒冰
慘哉此嬰女苦痛寂無聲欲起身無力欲訴口未能
人身最難得投胎喜不勝何期日未啓旋復返幽冥
陰風潛入室神鬼暗睜睛貪生復怕死螻蟻亦同情
顧茲親骨肉奚忍施毒刑焉知撫育後中饋不支撐
焉知性質中咏絮不精能焉知事父母不及第與兒

焉知諧伉儷不更耀門庭若云乏衣食生男何獨贏
若云贈嫁難裙布可釵荆普天無下土載物何所憑
遍戶盡男兒人類必凋零嘗觀溺女者育子多不成
嘗觀絕後者半子勝螟蛉嗟嗟傷胎卵古人猶痛懲
人命更關天豈不重可矜吾願世間人忍心無復萌
化育從此廣怨曠自此平祥和來大有婦子樂盈寧
此言洵可驗聞鐘應共醒

三峰寺看荷

丹徒劉

書

本縣典史

繞寺芙蓉映日明風來池畔遠香清星懸電發離烟
秦順縣志 卷十 詩類 奎

文昌閣十景詩

上海朱廷琦

松府廩生

戊申歲家第丹臺續修邑乘開局於新建之文
昌閣予與嘉定歸堯文丹陽孫中巖同與校讐
暇時搜得十景紀以斷章附於前人疊詠八景
之後亦以見羅陽蕞爾儘多勝致可人也

泮林挹翠

綠樹森陰泮水濱含英集秀歲長春身依高閣星辰

近住氣還應借德鄰

古檜蟠龍

曲曲霜枝葉葉青
千年老幹作虬形
只愁便欲飛騰去
去夜半風雷着意聽

羅峰霞映

烟巒脂染出天工

山色帶赤

飛落霞光相襯紅
老眼錯疑

秋亦老參差林木盡丹楓

菘竹搖窓

碧紗窓上罩晴光
拂案攤書百慮忘
午倦忽驚誰弄

泰順縣志

卷十

詩類

七

影簷前疑過綠衣郎

叢桂飄香

繁枝濃葉四時同
却怪吳剛砍月中
一遇秋來香滿室
幾忘身在隔牆東

溪流湧雪

花生銀海是耶非
謝女休誇柳絮飛
聲勢不隨寒燠變
終年長灑釣魚磯

峻塔凌霄

塔名三各文祥

四圍盤繞是山巔
一塔偏能共比肩
清淨不容書淡

墨祥光應透碧雲天

石臺雲際

巍巍石麓麗山椒
髣髴雲堆百尺橋

石臺遠望如橋

有日游

人整落帽何殊仙侶漫相招

城頭獅影

山坡上古松數株望之宛如獅子蹴毬狀

何物城隅顧盼雄
全身隱現月明中
懸知搏象渾無力
只趁風威吼遠空

山巔吐月

一輪初現嶺頭低
冉冉光開夜色迷
轉眼山靈畱不

泰順縣志

卷十 詩類

齋

住和盤擎出玉瓊

和文昌閣十景詩

泮林挹翠

丹陽孫

嵩

候補司城

一水清漣宛泗濱
東山佳木四時春
菁莪有幸滋培植
奎壁流光自結鄰

古檜蟠龍

相看相對眼俱青
曲幹騰挈莫可形
壽岳峰前金玉牒
御題曾許螭龍聽

羅峰霞映

白石憑誰設色工
丹山還映夕陽紅
疏林點染成雲錦
疑是天章落晚楓

衆竹搖窓

空山抱節匿幽光
靜對牕前俗相忘
檻外不妨栽十萬
無心應取伴孫郎

叢桂飄香

翠葉金英氣味同
喜攀仙友月明中
三盃何處承甘露
只在林扉別院東

溪流湧雪

順縣志

卷十

詩類

七

錯認羅陽節候非
灘頭五月雪紛飛
誰知屈注天河水
亂灑明珠跳石磯

峻塔凌霄

巍然一塔出雲巔
文筆全憑任仔肩
知有瑤光吐翠漢
休將東土作西天

石臺雲際

曲磴迂迴達遠椒
烟霞堆裏駕虹橋
緣知此處通天闕
五色雲中手自招

城頭獅影

荒城古戍爲誰雄
突立層岡杳靄中
何不也隨風雨
去吼聲千里震長空

山巔吐月

山高翻訝碧天低
素影遲遲薄霧迷
每到苦吟人靜後
一輪遙浸入玻璃

九日偕同人登山城戍臺作

嘉定歸燿

九日風光好登臨
此地偏石臺
聯坐穩古堞帶霞鮮
緣暗千峰樹青浮萬戶烟
故鄉何處是望斷白雲邊

秋日遊三峰寺

長頁縣志

卷十

詩類

七

雲和風靜叩禪關
纔到禪關俗慮刪
北向皈心蓮座上
西來大意木樨間
三楹矮屋容清話
千尺喬松蔭碧山
不用老僧忙半日
無聊羈客自偷閒

課農

張天樹

邑庠生

三月桃花暖春風
雨一犁癡雲常籠岸
流水暗通畦
午爨厨烟重山
勝樹木低遙空來翠影
小塹稻苗齊
其二

白日暉青壁黃牛放綠陰
溪山遺世味耕鑿老農心
細柳侵風薄叢篁拂霧深
居人不隔遠携酒入前林

年豐誌喜

張正桓 本邑廩生

氣運從天轉一區青壇新見祝多稔年年九扈登雙
穗歲歲三農獲倍租野沐和風敦禮讓士沾甘雨盡
廉隅幾番欲繪昌明表貢作民安國泰圖

